

(...)

Bail de besoigne consulz et
sindic, Mariette

L an mil six cens trante troys et le treiziesme jour du
moy de **novembre** apres midy regnant louys &a
pardevant moy no(tai)re royal soubz(sig)ne dans ma boutique en
villemur &a personnellement establys messieurs
jean bories, pierre delmas jean lala consulz et m(aîtr)e
fermin amblard advocat sindic dud(it) villemur
faisans pour et **au nom de la communauté** de lad(ite)
ville lesquels de gré en ladicte qualitté et **en l absance**
de m(aîtr)e michel vaissier premier desd(its) sieurs
consuls estant a presant en chemin pour se trouver
en l assemblée des estatz de ceste province de
languedoc **ont baillé et bailhent a david**
mariette charpantier dudict villemur stipulant
et acceptant a faire la besoigne et()reppara(ti)on cy apres
declairée premierement sera tenu ledict
mariette d **achever de desmolir ce quy reste de la**
gallerie de la maison commune de ladicte ville
laquelle apres il reffera]après[de la mesme

iii^e. lix

lageur et hauteur et en la mesme forme que ladicte
galerye estoict avant la cheutte d icelle et a ces()fins
y rapportera tout ce quy est requis et necess(air)e pour ce
quy regarde la charpenterie mesmes la couvrira d'un
toict pareil a celluy que y estoict ^° le tout bien et
duemant travaillé faict et()parachevé dans quinze
jours prochains precizement / comme aussy
sera tenu d'aller chercher et()prendre le boys et thuile
quy sera necess(air)e pour f(air)e ladicte besoigne sçavoir
le boys dans les maisons et lieux ou lesd(its)
sieurs consuls en ont de propre pour cella dans
l enclos de la presant ville et le thuile au bort de
la riviere au devant et vis a vis le molin de la
tour de lad(ite) ville d ou ledict mariette les fera
charrier a ses coustz et despans le tout moyennant
le prix et somme de huit livres t(ournoi)z suyvant la
deslivrance que luy en a esté faicte comme
moings disant aux cryes et()proclama(ti)ons
sur ce faictes par divers jours de dimanche
tant par les rues et lieux accoustumes de la
presant ville qu'au devant la boutique de moy dict
no(tai)re par daniel moisset sergent desd(its) sieurs
consuls et()par benoist constans sergent royal
dud(it) villemur laquelle somme lesd(its) sieurs
consulz et()sindic promettent et seront tenus de
f(air)e payer par leur trezorier des deniers de lad(ite)

communauté scavoir la moytié a demy
besoigne faicte et l autre moitié incontinant
apres qu icelle sera achevée et outre ce seront
tenus de fournir tous les matteriaux requis
et necess(air)es aux lieux susd(its) quand besoing et()requis
sera et a tenir ce dessus lesd(ites) partyes

ont obligés scavoir lesd(its) sieurs consulz et()sindic
les biens de ladicte communaute de villemur
et ledict mariette les siens propres meubles
immeubles presans et advenir qu'ont soumis aux
rigueurs de justice avec les ren(onciati)ons requizes
I ont juré a dieu par serement en presance de
pierre custos ambroize cailhassou françois
fontvielhe de villemur et()pierre boisset m(aître)
charpentier e vareennes dont lesd(its) custos et
cailhassou se sont signes avec lesd(its) bories et
amblard lesd(its) delmas lala boisset et()fontvielhe
ont dict ne scavoir & moy no(tai)re requis ^° **plus**
sera tenu icelluy mariette d'**accomoder le corondat**
du four de lad(ite) communaute **regardant a la basse court**
de la maison du sieur alexis p(rest)bre et()remettre la
ventriere de boys du toict quy est au dessus dud(it) four

J. Bories, consul Amblard, scindic

Custos, p(rese)nt Cailhassou

Bascoul, not(aire)